

ՀԱՇՎԵՏՎՈՒԹՅՈՒՆ

ՀՀ ՎԱՅՈՑ ՁՈՐԻ ՄԱՐԶՊԵՏԱՐԱՆԻ ԿՐԹՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՎԱՐՉՈՒԹՅԱՆ

01.01.2019-30.06.2019 թ ժամանակահատվածի համար

ԿՐԹՈՒԹՅՈՒՆ

1. Դպրոցներից հավաքագրվել և կազմվել է մարզի հանրակրթական ուսումնական հաստատությունների աշակերտական համակազմի ցանցային տվյալները: Դրանք մարզպետի կողմից հաստատվելուց հետո ներկայացվել է ՀՀ կրթության և գիտության նախարարություն: Մարզում աշակերտների թիվը կազմել է 6458 ներառյալ ավագ դպրոցները:
2. Ստուգվել և մարզպետի հաստատման է ներկայացվել հանրակրթական դպրոցների տարիֆիկացիոն ցուցակները:
3. Կազմակերպվել, անցկացվել և ամփոփվել է դպրոցականների առարկայական օլիմպիադայի դպրոցական և մարզային փուլերը: Մարզային փուլին մասնակցել են 9-12 –րդ դասարանների 512 աշակերտներ, որոնցից 48-ը իրավունք են ստացել մասնակցելու հանրապետական փուլին:
4. Հանրակրթական դպրոցների կառավարման խորհուրդների լիազորությունների ժամկետը լրանալու կապակցությամբ կազմակերպվել է նոր կառավարման խորհուրդների ձևավորման աշխատանքները:
5. Հայոց լեզվի կենտրոնացված քննությունը անցկացնելու համար նախապատրաստվել և ՀՀ կրթության և գիտության նախարարություն է ուղարկվել քննական կենտրոնների տեղաբաշխման հետ կապված առաջարկություններ, ինչպես նաև 9-րդ դասարանի շրջանավարտների անվանացանկը:
6. Շրջանավարտների պետական ավարտական փաստաթղթերի լրացման համար կազմվել և ՀՀ կրթության և գիտության նախարարություն է ներկայացվել 12-րդ դասարանի շրջանավարտների ճշտված անվանացանկը և 9-րդ դասարանի շրջանավարտների ճշգրտված թիվը: 2018-2019 ուսումնական տարում 9-րդ դասարանն ավարտել են 568, իսկ 12-րդ դասարանը՝ 416 շրջանավարտներ:
7. Կազմակերպվել է պետական ավարտական և միասնական քննությունների նախապատրաստման և անցկացման աշխատանքները: Միասնական քննություններին մասնակցել են շուրջ 200 դիմորդներ:

8. Հաշվետու ժամանակահատվածում ուսումնասիրվել և ընթացք է տրվել վարչությանը հասցեագրված դիմումներին:
9. Դպրոցներից հավաքագրվել և ՀՀ կրթության և գիտության նախարարություն է ներկայացվել հերթական ատեստավորման համար վերապատրաստվող ուսուցիչների ցուցակները:
10. ՀՀ կրթության և գիտության նախարարությունից ստացվել և դպրոցներին է բաշխվել 9-րդ և 12-րդ դասարանների շրջանավարտների պետական ավարտական փաստաթղթերը (վկայականներ և ատեստատներ):
11. ՀՀ կրթության և գիտության նախարարություն է ներկայացվել կորած ավարտական փաստաթղթերի (ատեստատներ, վկայականներ) կրկնօրինակների տրամադրման համար անհրաժեշտ փաստաթղթերը: Դրանք ստացել և հանձնվել են դպրոցներին լրացնելու և կորցնողին տրամադրելու համար:
12. Որպես դիտորդ վարչության մասնագետները մասնակցել են դպրոցներում անցկացվող ուսուցչի և դպրոցի գործադիր տնօրենի թափուր տեղի համար անցկացվող մրցույթներին:
13. Համագործակցելով բնակչության հաշվառման պետական ռեգիստրի, ՔԿԱԳ բաժինների և տեղական ինքնակառավարման մարմինների հետ անցկացվել է դպրոցահասակ երեխաների հաշվառումը և ապահովվել է նրանց ընդգրկումը հանրակրթության մեջ:
14. Հաշվետու ժամանակահատվածում կազմակերպվել և անցկացվել է ընթերցանության և ասմունքի հանրապետական մրցույթների մարզային փուլերը:

ՄՇԱԿՈՒՅԹ

Անցկացվել են հետևյալ միջոցառումները

<<Բանակի օր>>, <<Կանանց միջազգային օր>>, Սպարապետ Վ. Սարգսյանի ծննդյան 60 ամյակին նվիրված միջոցառում, Արվեստի դպրոցներում կիրառական արվեստի փառատոն, <<Մայրության և գեղեցկության տոն>>, Ապրիլի 24-ին նվիրված մասսայական միջոցառում, Հայրենական Մեծ պատերազմում տարած հաղթանակի և Շուշիի ազատագրմանը նվիրված միջոցառում, Մայիսի 28-ին Առաջին Հանրապետության 101-ամյակին նվիրված միջոցառում, Երեխաների պաշտպանության օրվան նվիրված միջոցառում և այլն:

2. Վարչության համապատասխան աշխատակիցը մասնակցել է ՀՀ մշակույթի նախարարությունում կազմակերպված 2020-2022թթ միջնաժամկետ ծախսային ծրագրերի և մշակութային քաղաքականության իրականացման ծրագրերի քննարկումներին: Այնուհետև ՀՀ մշակույթի նախարարություն է ներկայացվել 2020-2022թթ ՄԺԾԾ-ը ամբողջովին:

3. Եղեգնաձորի մշակույթի տանը բեմադրվել է «Ատամնաբույժն արևելյան» նորաստեղծ թատերական ներկայացումը: Թատերախումբը հյուրախաղերի է մեկնել Արցախ, որտեղ բարձր մակարդակով կազմակերպվեց չորս ներկայացում:

5. Կազմակերպվել է ավանդական ծեսերից «Տյառն ընդառաջ» միջոցառումը:

6. Սահմանված լիազորությունների սահմաններում տարվել են աշխատանքներ պատմության և մշակույթի հուշարձանների պահպանության և օգտագործման ուղղությամբ: Մարզպետի համաձայնեցման է ներկայացվել հինգ պատմամշակութային հուշարձանների պահպանական գոտիների նախագծերը:

ՍՊՈՐՏ և ԵՐԻՏԱՍԱՐԴՈՒԹՅՈՒՆ

Կազմակերպել և մասնակցել են մի շարք միջոցառումների, այդ թվում՝

1. ՀՀ պետական մարմինների աշխատակիցների միջև անցկացվող հրաձգության հանրապետական մրցույթին/փետրվարի 21-22/: Մարզպետարանի հրաձգության թիմը գրավել է 8-րդ տեղը:

2. Շախմատի հուշամրցաշար նվիրված զոհված ազատամարտիկների հիշատակին:

3. Կարատեի հուշամրցաշար նվիրված զոհված ազատամարտիկ՝ Վարդան Վարդանյանի հիշատակին:

4. Ֆուտբոլի մրցաշար նվիրված առաջին հանրապետության 101 ամյակին:

5. Վոլեյբոլի հուշամրցաշար նվիրված Է.Դանուլյանի հիշատակին:

6. Սպորտլանդիա ՀՀ և Արցախի հանրապետության դպրոցականների 1-3 և 4-7-րդ դասարանցիների միջև: Անց է կացվել տարածաշրջանային և մարզային փուլերը, որի արդյունքում Եղեգնաձորի թիվ 1 հիմնական դպրոցի 1-3-րդ դասարանցիների հավաքական թիմը հանրապետական փուլում գրավել է 3-րդ տեղը և արժանացել բրոնզե մեդալների:

7.Ապրիլ- մայիս ամիսներին անց է կացվել «Լավագույն մարզական նախադպրոցական հաստատություն» հանրապետական մրցույթի տարածաշրջանային և մարզային փուլերը, որտեղ հաղթող է ճանաչվել Եղեգնաձորի թիվ 1 նախադպրոցական հաստատությունը և եզրափակիչում գրավել է 4-րդ տեղը:

8. Կազմակերպվել է ՀՀ դպրոցականների 28-րդ մարզական խաղերի վոլեյբոլի, բասկետբոլի, ֆուտբոլի մրցաշարերը: Այնուհետև անց է կացվել 1-6-րդ դասարանցիների Ազգային ժողովի գավաթի խաղարկությունը և 7-9-րդ դասարանցիների 4-րդ ուսումնամարզական խաղերը:

9.Սերտ համագործակցություն է հաստատվել մարզային երիտասարդական կենտրոնի հետ, որոնց հետ միասին կազմակերպվել է տարաբնույթ միջոցառումներ:

Ապրիլի 23-ին և 24-ին կազմակերպվել է երթ և մասսայական միջոցառում:

Կազմակերպվել է երիտասարդության մասնակցությունը «Կանաչ կիրակի» միջոցառմանը, Ուիստագնացություն դեպի Սպիտակավոր և Թանահատի հուշահամալիրներ: Կազմակերպվել է ծառատունկ և սանիտարական մաքրման աշխատանքներ մարզի պատմամշակութային հուշահամալիրներում:

10.Մարզպետի հանձնարարությամբ կազմակերպվել և օգնություն է ցուցաբերվել Համահայկական 7-րդ խաղերին նախապատրաստվող բոլոր համայնքների մասնակիցների փաստաթղթերի ձևակերպմանը և մրցույթների նախապատրաստմանը:

ՀՀ Վայոց ձորի մարզպետարանի կրթության,
մշակույթի և սպորտի վարչության պետ՝

Ա. Ղազարյան

02.07.2019